

## Employee Wages (Hamgorouyar Muzuri) ólottu Haçiraká Januwari 1, 2023 ottu cúru oibou.

- FAMLI incuwarens or thiañr hamgorouyar ciyyar ore 2024 foijjontoto hamgorouyar muzurir 0.45% mokoror goijjé. 2025 sal oite arde yaár bade, FAMLI Division (FAMLI Divicén) or dharikthár é fottí bosór faánd or maliyatir dam or buniyadi formula mutabek incuwarens or thiañr reith mokoror goríbou. Fura decót muth doc bá aróu becí hamgorouya aséde hamor girós ólottu o muth 0.9% olla muzurir 0.45% ezafí adaigorá foríbou, kintu no zon bá aróu hom hamgorouya aséde hamor girós ólottu hamgorouyar ciyyar cúde 0.45% ore FAMLI Divicén ot adai goribólla zimmadari tákibou.
- 2023 sal ottu óite, hamor girós óle FAMLI ír cirkot ólla hamgorouyar muzuri ólottu 0.45% foijjontoto haçiraká cúrugorít fare. Cádaron muzuri haçirakár maiddóme yían ore adaigorí loiyóre hamgorouya ólore niyomito muzurir cék ot haçiloiyéde yían zanai dibou. Haçiraká incuwarens or thiañr iin ore dolagorí hamgorouyar ólor torfóttu tin mace ekbargorí FAMLI Divicén ot fatháidiya oilde girós ólor zimmadari.

## Januwari 1, 2024 oite faáida cúru oibou

- Corót kabel oiya ar Colorado (Koloradhu) maze hamgoijjéde étolla goto bosór ot \$2,500 hamaiyéde becá-becí Colorado hamgorouya ólolla 2024 oite, fémili ar elaji tolobdiya cúthkir faáida ókkol faa zaibou.
- Fémili ar elaji tolobdiya cúthkilla kabeliyoti córot ókkol oilde:
  - Baiccar zormo, fala, yáto zimma luwar fore noiya honó baicca re foóila bosór dekbal gorá.
  - Kothín sehéti ocúida óla honó fémili membór ore dekbal gorá.
  - Nizor kothín sehéti ocúidar dekbal gorá.
  - Honó fémili membór or milithári hamor entezam gorá.
  - Góror zurúm, nozordari, cáhawati hámla, yáto cáhawati zurúm or juwab dibólla héfazoti gór, dekbal, ar/yáto kaanuni modot hasel gorá.
- Incuwarens ola hamgorouya ókkole fottí bosór fémili ar elaji tolobdiya cúthki 12 háfta foijjontoto faibou. Hámel yáto baicca zormor betala ólor harone kothín sehéti ocúida óla foitto zone fottí bosór fémili ar elaji tolobdiya cúthki aróu ezafí 4 háfta loi muth 16 háfta faibou.
- Cúthki gin ore lagatar, mazé-mazé, yáto homaiya thaim theból fórom loi luwa zaibou.
- Hamgorouyar éveréj háftawari muzurir 90% foijjontoto reith loi ekkán maf or buniyad loi cúthkir muzuri di zaibou. Tarár faáida ókkol ore hamgorouya ole famli.colorado.gov ot diya aséde faáida neelar kalkuleithar loi andaz gorí faribou.
- Fémili ar elaji tolobdiya cúthkir kabel oibolla oñnottu ebbere hom mikdari thaim loi oñnor hamor girós or éçe hamgorá no foribou.
- Zodi FAMLI cúthki re fedherer FMLA er matehátot kabel cúthki hísaber ekkán haron ólla estemal goitto saile, tohón cúthki yían ore o FMLA cúthkit estemal goijjé hoi cámil goribou.
- FAMLI faáida ókkol estemal gorár age hamgorouya óle elaji cúthki yáto oinno tolobdiya cúthki ore estemal goribólla basí loit fare, kintu ítarattu yían gorá lazem noi.
- Fura muzuri bodola entezam goribólla elaji cúthki yáto oinno tolobdiya cúthki loi FAMLI faáida ókkol ore ezafí goribólla hamor girós ar hamgorouya óle apótot razi óit fare.

## Daabi ókkolor Fail zomadiya

- 2023 sal or ahéri tin mác foijjontoto hamgorouya óle faáida ólolla fail zomadi no faribou. Faáida ólore Januwari 2024 oite faa zaibou. Faáida ólolla dorhásgorár niyom ókkol ore 2023 sal or ahéri tin mác ot famli.colorado.gov ot faa zaibou.
- Hamgorouya yáto tarár mokoror goijjá nomainda ókkole lagéde habosfonna loi córacorí FAMLI Divicén ot dorhás ekkán zomadiyóre FAMLI faáida ókkol ólla aros goribo. FAMLI faáida ólolla hamor girós óle hamgorouya ólore dorhásgorai no faribou.
- Ham ottu gair házir uwar age dorhás okkol ore zoma doon sá, ar kessú haálot ólot, iin ore gair házir cúru oi baade zoma díit fare.
- Munaséf torika loi daabi fáil zomadiyar dui háfta bútoke kobul óiya dorhás ókkol ore FAMLI Divicén é adai goríbou, ar kobul goijjá cúthkir thaim ólla yaár fore fottí dui háftat adai goríbou.
- Hamgorouya óle FAMLI Divicén ot daabir faaisela ólor afil gorít faribou.
- FAMLI program ore dúka dibólla kucíc goijjéde manúic ókkol faáida ólottu na kabel oi zait fare.

## Soorír héfazot ar jari faáida ókkol

- Hamor girós ólottu hamgorouya ókkol FAMLI cúthkit aséde thaim ot tarár sehét dekbali faáida ólore hámma thíththak raká foribou, ar hamor girós ar hamgorouya duni zon ottu cúthki cúru oibar agor dhoilla ekí mikdar loi faáida iinore adai goribólla zimmadari asé.
- Hamor girós or éçe ebbere homót 180 din ham goijjéde zehonó hamgorouya é FAMLI cúthkittu waapés aile, íbaye ekí tobka yáto fuwainna tobkat waapés hamgorít faribou.

## Bodolaluwa, Forókgorá, ar Dohóldoon Maná

- FAMLI matehátot hamgorouyar hók ólor maze hamor girós ólottu dohól no doon sá, ar hók iin búkgoréde étolla ítarare forók goron yáto bodola loon no sá.
- Bodolaluwa, forókgorá yáto dohóldoon or cíkar oiyéde hamgorouya óle adalot ot bisar di faribou, yáto FAMLI Divicén ot cikayotnama zoma dí faribou.

## Oinno Zoruri Maalumat

- Decór FAMLI plan or ek dhoilla faáida olá ar ezafí hóros yáto pabondi sará oile zehonó hamor girós e ekkán zati plan difaríbo. Zati plan ókkol ore hámahá FAMLI Divicén ottu kobul gorá foribou.
- FAMLI kaanun bánigile FAMLI Divicén ot zanaidibolla Hamgorouya ar hamor girós ólore hímmot diyazar.

